



**Rvperti Ab||batis Monasterii || Tvitiensis Ordinis S.
Benedicti The||ologi antiqui, Opera duo, ut egregia sanè,
ita diu desiderata, multoq[ue] || labore perquisita, ac
sumptu haud ita modico ...**

Rupert <von Deutz>

Colonia, M. D. XXVI.

VD16 R 3796

De die illo quem determinavit spiritus sanctus in Daud, dicendo: hodie si
uoce[m] eius audieritis.

[urn:nbn:de:hbz:466:1-71860](https://nbn-resolving.org/urn:nbn:de:hbz:466:1-71860)

Deo, emundauit conscientiam nostram ab operibus mortuis, ad seruiendum deo uiuenti. ¶ Adde, quod ibidem Baptista Iohannes, ubi testimonium perhibuit dicens: quia uidi spiritum sanctum descendentem de caelo quasi columbam & mansit super eum: tali uoce, talique iudicio mansuetudinem eius praedicauit: Ecce agnus dei, qui tollit peccata mundi. Denique in sacrificio domini, sacrificio odoris suauissimi, eadem mansuetudo agni, quam simplicitas columbae, mystice significat innocentiam & pietatem Christi filij dei.

¶ Be die illo quem determinauit spiritus sanctus in Dauid, dicendo:

Hodie si uocem eius audieritis.

Caput .XI.



X tunc dies ille est bonae auditionis, dies uocis audiende in lenitate fidei, quem spiritus sanctus determinauit in Dauid, et populus modo meminit. Quapropter sicut dicit spiritus sanctus: Hodie si uocem eius audieritis, nolite obdurare corda uestra, sicut in exacerbatione secundum diem tentationis in deserto.

¶ O uox dulcis & suauis uox dilectionis & gratiae, uox turturis & columbae, quam apud Lucam, taliter cepimus audire. Regressus in uirtute spiritus in Galilaeam, cum uenisset Nazareth, & intrasset in synagogam, & traditus esset sibi liber Prophetæ Esaiæ, loquens cumque hunc statim inuenisset: spiritus domini super me, propter quod unxit me, euangelizare pauperibus misit me, praedicare captiuis remissionem, praedicare annum domini acceptum, & diem retributionis. Hodie (inquit) impleta est haec scriptura in auribus uestris. Ab ista uoce debent corda nostra hodie mollescere siue mitescere: hodie inquam, id est, alio die, qui alius est ab illo die, quo exiuit Israel de Aegypto per mare rubrum, & per quadraginta annos tentauerunt, atque exacerbauerunt spiritum sanctum in deserto. ¶ Nunquid non hoc uidit Iohannes Baptista, qui in initio diei huius uidens ad se Iesum uenientem, dixit (ut supra meminimus) Ecce agnus dei: Denique talis eius dictio talem nobis sensum efficit. Ecce cuius in figura immolatus est agnus in Aegypto, sumpto sanguine qui erat in limine & posito in superliminari & super utrumque postem, ut figuram crucis exprimeret, factumque est phasae, id est, transitus: transiuit enim dominus per Aegyptum, Aegyptios percutiens, & filios Israel saluans. ¶ Nunc alia percutietur Aegyptus, & aliud mare diuidetur, & aliud manna de caelo dabitur, & alia petra sitientibus alias dabit aquas, & in aliam terram intrabitur, & alia ciuitas Hierusalem inhabitabit, & omnia in nouum restituentur, dicente isto, qui spiritu sancto baptizat, ecce noua facio omnia. Igitur dies sanctae nouitatis tunc illuxit. quando desuper in columbae specie apparente spiritu pietatis, Pontifex declaratus est Christus filius dei: Pontifex (inquam) ipse, & hostia & templum, ex tunc optime ornatum (ut supra diximus) secundum figuram templi illius manufacti, auro uidelicet non corruptibili, sed auro uero splendidae diuinitatis, quae tunc in eo splendere cepit per operationem uirtutum & gratiam sanitarum, caeteraque opera digiti dei spiritus sancti.

¶ Be eiusdem domus dedicatione, id est, resurrectione secundum Psalmum uice simum nonum, cuius est titulus, Psalmus Dauid cantici in dedicatione domus Dauid.

Caput .XII.



Dedicatione domus iuxta propositum properat animus, id est, ad gloriam resurrectionis domini nostri Iesu Christi, qua sine dubio dedicatum est templum corporis eius, ita ut omni mortalitatis seu passibilitatis paupertate deterfa, solennitas aeterna, festiuitas sempiterna, in uoce exultationis & confessionis in ea celebraretur ab angelis, celebraretur ab hominibus quotquot sunt uel erunt filij resurrectionis. ¶ Hoc loco sensum & uerba nostra dirigit textus Psalmi uicesimonomi, cui talis praescriptus est titulus. Psalmus cantici, in dedicatione domus Dauid. Primum autem in fundamento sermonis illud ponere libet, quia domus illa manufacta, quae in typum huius aedificata fuit (ut supra diximus) sub trina benedictione nominis domini dedicata est, sicut habet manifeste ipsa scripturae series. Primum namque sic scriptum est: Conuertitque rex faciem suam & benedixit omni ecclesiae Israel & ait: Benedictus dominus deus Israel, qui locutus est in ore suo ad Dauid patrem meum, & in manibus eius perfecit, & caetera. Item secundo: Stetit autem Salomon ante altare, domini in conspectu Ecclesiae Israel, & expandit manus suas in caelum, & ait: Domine deus Israel, non est similis tui deus in caelo desuper, & super terram

K 3 deorsum,

Iohan. j

Psalm. 24.
Vox christi dulcis, uox turturris Luc. 4

Esa. 6j

Ecce agnus dei Iohan. j
Exo. jz

Ecce uoua facio omnia

Apo. 2j

Dedicatio domus Christi in resurrectione eius celebrata est. 3. Reg. 8